

中國佛寺志叢刊

趙樣初



民國·項士元撰

雲
栖
志

廣陵書社

云栖志

《云栖志》十卷，首 卷。临海项士元撰，民国 十一年（1934）铅排线装本。

△栖寺在杭州西湖五云山之西，径曲林深，溪山幽胜，南宋僧志逢结庵始居。吴越王时建寺，历代递有兴废，清嘉庆，咸丰间两毁于战火，嗣后逐年修建，至光绪辛丑（1901）重建大殿及补云轩、绿云静境、藏经室等景观，香火益盛，民国 十一年（1932）上海同庆会出资建西式精庐于寺东「长生福地」旧址，云栖寺遂称「富丽甲诸山」。

△栖寺旧无志乘，明冯开之《云栖兰若志》仅是 篇未终篇的短文，收录在释株宏撰《云栖纪事》中，而《云栖纪事》亦仅为寺僧代代相传之「万年簿」式的记录，明刊本已佚。现有同治重刊本，收在钱塘丁氏《武林掌故丛编》中。

项士元此作，是为寺志而兼山志，以五云山为纲，首志沿革，叙山、寺兴废之迹，次志山水，以述山川形势，继之以梵刹、胜迹、塔墓、古物、规制、禅德、忠贤、物产、艺文等篇目，最后总归于寺产，以志余作结，林林总总，皆博考新旧载籍，详实赅备，记载范围包括山周之徐村、梵村、梅坞诸处，实为近人创纂的部较有特色之佳志。

序

武林梵刹向稱興盛自吳之鯨撰梵志南北兩山及城內外古刹記載略備嗣後作者踵興創建稍古之寺觀多有專書非徒誌靈蹟述禪德亦足以補山經之缺憾地志之遺者也古棲在五雲之西徑曲林深溪山幽勝自五代志公開山迄至明季蓮池大師以佛門龍象棲止此間一時公卿士夫爭親衣鉢固東南之勝境亦學佛之津梁余浙人也少遊學於斯長柄政於斯習親淨境匪伊朝夕雖旅燕市歷泰岱而雲棲之竹樹烟雲仍無時不縈夢寐邇息影申江潛心梵典於雲棲法彙尤覺一超直入足爲學人途徑亟思宏揚然寺志闕如心常歉然甲戌春暮班禪大師蒞杭起建時輪法會予隨同執持同學項君慈園欄所撰雲棲志商請流通並乞弁其簡端夫雲棲之需紀述予渴想久矣茲項君以良史才匿跡山林博考羣籍創纂斯志而稿之成也適予重來湖上宏揚淨業其因緣實可思議耶考志爲史之別裁兼爲史之源泉史才須擅三長作志亦然志書之中方志或純記山水純記古蹟者猶易而寺志兼爲山志者非有史才文才兼諳佛學暨名物者則紀述難艱雖爲寺志而兼山志其係續修重修者尙易若體屬創作並無藍本者則纂輯

尤難卽爲創作其書倘合多人爲之各任專責事亦易舉若特一人之心思才力則尤難乎其難今項君之纂雲棲志固兼擅寺志山志之長也殆創而非因也且亦一手成之也其纂輯之難可謂備至然而其書義例嚴整徵引浩博既文實之並茂復儒釋之兼通而于動植諸物更窮蒐古今細爲辨析豈非博洽多聞者歟抑又有進焉者雲棲志之濫觴久矣馮開之祭酒號稱淹雅而所作雲棲閣若志僅一未終篇之短文明清之間雲棲門下頗多慧業文人高僧亦先後接踵而所傳雲棲紀事簡陋幾類書鈔今項君扁戶空山積一載之辛勤竟得成斯鉅帙其視昔實不亦更勝矣乎予于茲山久有夙願于志書向亦備極注意杭州府志清季重修中輟稿束高閣曾聘陸勉濟太史及項君踵成之浙江通志亦曾徵召耆碩重加纂輯光陰荏苒迄今忽垂二十稔世事滄桑來日大難項君獨能薄視功利完其初服爲此名山事業可感亦可慨矣法會圓滿謀於會內諸大德促爲鋟版僉諾焉是固天假之緣抑亦雲棲慧德不可終闕項君之盛心與斯會有默契歟甲

戊仲秋扇映光謹識

自敘

佛寺梵宮、因爲縉流棲遁之所、實亦名山藉以點綴者也、自洛陽迦藍、勒爲專記、嗣後流風益暢、古剎叢林、類有紀述、文物獻章、燦然明備、杭爲浙省首區、西南一帶、湖山秀美、選佛之場、棲真之宅、環列錯峙、五雲在諸山中、尤爲秀竇、江湖映帶、南北兩峯、均落腕中、山之西麓、雲棲寺在焉、境則變喧而幽、土則去穢而淨、蓋五雲擅有杭州山水之美、雲棲尤占五雲之勝也、溯茲寺自宋乾德間伏虎禪師開山以來、中經吳越王錢氏旣釋祿宏、發揚演播、慧光日啓、逮至有清、聖祖世宗高宗輩、迭次巡幸、加以褒崇、香火益盛、嘉道以還、雖火患頻遭、故物多化灰燼、而寺僧鳳翔瑞真等、咸克發揮願力、銳志重興、承鉢之徒、亦能篤守老實念佛之戒、以故宗風廣煽、迄今未衰、祇園紺宇、先後增闢以視疇昔、更遠駕而上之、惟廢興之跡、勝絕之景、以暨地方文物、向皆語焉未詳、甯非名山淨刹之遺憾歟、余素喜探訪幽勝、遇梵寺卽流連不忍去、于雲棲尤多夙緣、嘗于寺內一再信宿、煮茗挑燈。覽所藏蓮池香光墨

蹟、覽青林高會圖卷、神爲之傾、間又於風朝雨晦、取法彙紀事諸書讀之、胸中益若有積、久欲步武靈竺諸志、纂爲雲棲寺志、特以塵事紛乘、猝猝未遑、去春、以亡室素馨之喪、兼值久病新起、徙居梵村、山齋兀處、索然無事、爰就篋衍所藏、見聞所及、分類排比、纂爲是志、諸所取材、雖重雲棲、而五雲山脈所及、若徐村范村、以及附近諸寺廟、所有文物、亦兼及之、此猶志西湖者兼載吳山定山錢江渚河、以壤地毗連、足資參證也、抑又有感者、雲棲寺自殊宏盛倡戒殺放生、設立專社、當時海內名儒碩彥、望風景從、恆不憚千里跋涉、按期臨蒞、降至今日、此風漸泯、非徒對於普通動物、漫不愛恤、其視人類、亦任意蹂躪殺害、漠然無動於中、殫精科學者、晨夕研求殺人之利器、顯貴豪富之輩、坐視貧苦無告者、呼飢號寒、不謀所以養生之道、間有稍稍注意及之者、大多亦務空談、羌無實際、安得各方善信、酌採殊宏悲憫之旨、推而施諸人類、俾各遂其生、斯則雲栖之法乳、沾惠無窮、殺機固消、而生機或亦可以轉盛、披覽是書者、幸勿斷斷景物之微、斯可焉、中華民國二十三年季春

臨海項士元慈園序

[illegible]

例言

一武林山水冠絕東南梵剎所在高僧輩出名賢踵至大多勒有專書雲棲居湖山深處自吳越志公開山宗風廣煽蓮池法苑尤爲佛門所特誦善信所瞻依非徒翠華巡幸留有宸章五雲幽勝堪資抒嘯而已故創纂是志

一雲棲附近名勝頗多梵行賢跡施被甚廣紀載所及自當連類以及故以五雲山爲綱舉凡徐村梵村梅塢諸處悉附誌之

一本書體屬山志自當異於普通方志故所分門類首沿革以誌廢興之跡次山水以誌山川形勢再次梵剎以誌迦藍概況再降曰勝蹟以章名勝古蹟曰塔墓以供游侶憑吊曰古物以昭法物而資清賞曰規約以明戒律而示法守曰禪德以彰梵修而存法系曰名賢以紀芳躅而申嚮往曰物產以觀庶類而徵民生曰藝文以備徵考而宏闡揚而以寺產志餘殿焉

一志乘事關文獻不能向壁虛造雲棲雖號古剎僅有紀事一卷其餘則僅見之西湖志定鄉小識雜識諸書然並非專志事多缺而未備本書博考新舊載籍淘沙揀金凡有甄採具注所出用示信實

一湖山錯錯今古滄桑自來載筆謬誤滋多茲均悉心考訂嚴加釐訂如錢塘會稽均有秦望山山陰徐文長天池有秦望山五言古二章詩中有鵝突峯及吾鄉信美之語明爲詠會稽之秦望山康熙錢塘縣志不加辨別竟列入藝文張道定鄉小識雖知其誤而仍未削去茲未敢苟同徑從割愛靈泉沙井

今已無蹟可求翟氏湖山便覽列於秦望山前並謂在六和塔南本志限於徐范村及梅塢故所纂錄以徐村秦望山爲始其在前者概行削諸

一江鄉僻處地多俗稱名義雷同自所難免如徐村黃山之均有馬鞍山溪上范村均有雲棲塢雞冠關午山附近均有百丈山此外更有音同字異如排山牌山清芳亭清風亭之類不一而足舊志每多牽混茲則逐一加以辨正

一浙江潮及江行之作自來極爲繁夥以事實言因滄桑陵谷之變遷潮之盛衰自富陸之趙宋以前觀潮者多集徐范村今則漸趨海寧本志於江之部分僅以涉及徐范村爲限外此均摺不錄

一本書範圍內所應有之事實未經他書紀載者凡屬實物均加查勘始錄於書其屬軼事道聞亦務博訪周諮衆說僉同者始擇要紀之蓋冀杜免虛誕且以表闡幽微也

一往古志書對於生人事行暨其撰著例在摺除降至近代漸多兼採生人藝文本書體屬山志以視國史方志自當從寬採錄藝文固爲宜然卽紀述事行亦非敢涉標榜因山志所有傳記重在關係茲山之局部事實非若史與普通方志中之傳記務須臚敘顯末有待蓋棺論定也

一普通方志恆以帝王述作列之首卷雲棲紀事亦首列盛典本書以性質時代爲次不論爵秩不分朝野事若無取雖屬繪音宸翰亦概削除

一雲棲紀事仿史傳論贊之體錄贊之後附以評語茲以傳記務尙事實評隨事等疣贅概從割棄

一本書款式務尙嚴整書人纂志每循公牘制體之舊照樣繕寫實乖體例本書一概平寫用革舊習
一在昔圖史事本並稱近今刊物恆亦附圖本書準依斯旨先爲總圖以明區域次揭寺圖以示莊嚴再
次則凡名勝古蹟法物依序擇要附入諸所附圖或經丈測或用攝影總期務求精密并存真相
一本書纂輯爲時甚暫蒙之山居野處藏書鮮少疏漏訛繆當所不免還希宏達不吝指正

雲棲志目錄

卷首

屈序

自序

例言

蓮池大師像

雲棲山圖

雲棲寺圖

雲棲徑

雲棲道上之迴龍亭

雲棲寺前之松雲亭

蓮祖塔院之石徑

蓮祖塔院頭門

蓮祖真身塔龕

雲棲寺山門

雲棲寺大殿

蓮池大師遺編

董文敏手書金剛經真蹟

青林高會圖

卷一

沿革

山川

卷二

梵刹

勝蹟

卷三

塔墓

古物

卷四

規制

卷五

碑德

卷六

名賢

卷七

物產

卷八

藝文上

卷九

藝文下

卷十

志餘

跋